



JADUAL IMAM/BILAL BERTUGAS PADA 18/7/2008

TUAN HJ. MOHAMMAD BIN HASHIM - IMAM BESAR
 USTAZ MOHD AL HAFIZ BIN ASARI - BILAL

(Tajuk Khutbah : Persaudaraan Islam)

JADUAL SOLAT HARI INI

SUBUH	SYURUK	ZOHOR	ASAR	MAGHRIB	ISYAK	IMSAK
5.48	7.11	1.19	4.43	7.26	8.39	5.38

Bil. 29/2008

Tarikh : 18 Julai 2008 / 15 Rejab 1429H

PERCUMA

Tazkirah

**MENGENAL DOSA-DOSA KECIL DAN
 DOSA-DOSA BESAR DALAM
 KEHIDUPAN HARIAN**

DALAM kitab *Toharul Qulub* oleh Abu Syiekh Abdul Aziz Ad-Darimy membahagikan dosa itu kepada dua, iaitu dosa kecil dan dosa besar, beliau memetik keterangan al-Quran dan hadis tentangnya.

Dalam al-Quran Allah S.W.T. berfirman:

Maksudnya: "Jika kamu menjauhi dosa-dosa besar di antara dosa-dosa yang dilarang kamu mengerjakannya, nescaya kami hapuskan kesalahan-kesalahanmu (dosa-dosa yang kecil) dan Kami masukkan kamu ke tempat yang mulia."

(An-Nisa': 31)

Maksud ayat di atas, apabila kita menjauhi dosa-dosa besar, nescaya Allah ampuni dosa-dosa kecil kita.

Selanjutnya Nabi S.A.W. bersabda maksudnya:

"Solat lima waktu antara Jumaat sampai Jumaat lainnya, sebagai penebus dosa-dosa di antaranya kecuali dosa-dosa besar."

(Riwayat Muslim dan At-Tirmizi).

Menurut riwayat lain disebutkan, maksudnya:

"(Solat lima waktu) dari Ramadhan sampai Ramadhan lainnya, sebagai penebus terhadap dosa-dosa di antaranya, kecuali tiga perkara dosa, iaitu syirik kepada Allah, meninggalkan sunnah (yang wajib) dan merosak akad (perjanjian dengan Allah)." (Riwayat Muslim).

Imam Muslim meriwayatkan dari Abdul Rahman ibn Abi Bakrah dari bapanya, katanya bahawa mereka ketika bersama Nabi S.A.W. mendengar beliau bersabda: "Bukankah telah aku beritahukan kepada kamu tiga dosa yang termasuk di antara dosa-dosa besar, iaitu mempersekutukan Allah, derhaka terhadap kedua orang tua dan memberi kesaksian palsu atau perkataan palsu."

Dari Abu Hurairah r.a. bahawasanya Rasulullah S.A.W. bersabda, maksudnya: "Jauhilah oleh kamu tujuh perkara yang dapat merosak perbuatan yang baik." Seorang sahabat bertanya: "Wahai Rasulullah, apa tujuh perkara itu?" Rasulullah S.A.W. menjawab: "Mempersekutukan Allah S.W.T., sihir, membunuh jiwa

yang telah diharamkan Allah S.W.T. kecuali dengan jalan yang hak, memakan harta anak yatim, memakan riba, lari daripada peperangan (fi sabilillah), dan menuduh wanita-wanita mukmin yang suci melakukan zina."

Contoh keterangan di atas menunjukkan bahawa ada dosa kecil dan ada dosa besar, yang selanjutnya akan diperincikan satu persatu.

Perlu ketahui, bahawa sebab-sebab seseorang itu melakukan maksiat ada dua faktor. Pertama, kerana meninggalkan kewajipan, seperti Iblis, ketika ia diperintah sujud (taat) kepada Adam a.s. tetapi ia enggan bersujud. Kedua, kerana melakukan yang dilarang, seperti Nabi Adam a.s. dilarang memakan buah pohon yang dilarang (khuldi), tetapi ia memakannya juga.

Perbuatan maksiat terbahagi menjadi dua bahagian, ada yang berkaitan dengan hak kepada Allah dan ada yang berhubungan dengan hak anak Adam. Kemudian jika dilihat daripada asalnya perbuatan maksiat dapat digolongkan menjadi empat golongan iaitu rububiyah, syaitaniyah, bahimiyah, dan saba'iyah.

Rububiyah iaitu penyerupaan terhadap sifat-sifat Allah S.W.T. Kerana sesungguhnya sifat Agung, Sombong, Tinggi, Kaya, Memaksa, dan Menguasai, kesemuanya adalah sifat-sifat khusus Allah S.W.T. Siapa di antara makhluk menyerupainya dengan bersifat sombong, memaksa, mencari ketinggian, kekayaan dan menguasai terhadap makhluk yang lain menunjukkan ia menceroboh hak Rububiyah.

Syaitaniyah adalah menyerupai perbuatan syaitan. Di antara sifat-sifatnya seperti hasad, derhaka, menipu, munafik, mengajak kepada kemaksiatan, bidaah, dan menyesatkan diri sendiri dan orang lain.

Bahimiyah adalah sifat tamak untuk memenuhi kesenangan perut, dan seksual. Daripada dua hal ini mendorong seseorang itu untuk melakukan zina, mencuri, memakan harta anak yatim dan mengumpulkan harta yang haram untuk memenuhi keperluan dirinya.

موزیوم القرآن مالاکا
M U Z I U M
AL-QURAN MELAKA

PENGENALAN

Muzium Al-Quran Melaka (MAQM) merupakan sebuah lagi produk pelancongan baru berkaitan dengan Islam di Melaka. Lokasinya yang bersebelahan dengan Masjid Negeri di Kompleks Al-Azim, Bukit Palah Melaka, amat bersesuaian dalam menggambarkan kegemilangan Melaka sebagai negeri bersejarah mengenai kedatangan Islam ke alam Melayu.

Penubuhan MAQM bermatlamat untuk meneruskan kegemilangan itu dengan pengisian ilmu pengetahuan mengenai Islam di samping melebarkan syiarnya dan berdakwah kepada semua masyarakat. MAQM juga akan berfungsi sebagai pusat sumber ilmu serantau mengenai ilmu Al-Quran dan pendidikan yang meliputi kebudayaan, kesenian dan warisan Islam.

Kaedah penyampaian bermula dari sejarah penurunan wahyu pertama sehingga kepada perkembangannya di zaman Rasulullah S.A.W., para sahabat serta ke seluruh Timur Tengah, India, China dan Alam Melayu. MAQM juga akan memaparkan usaha-usaha terkini terutamanya dari aspek pembangunan dan pemakmuran Al-Quran di tanah air dan serantau. Penyampaian maklumat diolah melalui 12 ruang pameran utama melalui panel-panel grafik, artifak, demonstrasi, audio visual dan kedai muzium yang melengkapkan lagi peranannya sebagai sebuah muzium yang interaktif dan informatif.

Muzium Al-Quran Melaka akan memberikan peluang kepada masyarakat untuk mendekati warisan sejarah dan seni dari perspektif Islam yang turut memberikan sumbangan terhadap sektor pelancongan dan perkembangan Islam negeri Melaka.



WAKTU MELAWAT
SELASA - AHAD (kecuali Jumaat)
JUMAAT 8.30 pagi-12.15 tengahari 2.45 petang-5.00 petang
ISNIN TUTUP
TIKET MASUK Dewasa RM 2.00 Kanak-kanak RM 0.50

OBJEKTIF

Sebagai Pusat Pendidikan, Penyelidikan dan Rujukan Al-Quran di rantau ini.

Meneruskan kegemilangan Melaka sebagai pusat pembangunan Islam terpenting di rantau ini.

Mempertingkatkan dakwah dan syiar Islam di Melaka.

Menyemarakkan pengisian Kebudayaan, Kesenian dan Warisan Islam di Melaka

Menambah & mempelbagaikan lagi produk pelancongan yang berteraskan Islam di Melaka.



Untuk keterangan lanjut sila hubungi :
Muzium Al-Quran Melaka
d/a Perbadanan Muzium Melaka
Kompleks Warisan Melaka, 75000 Melaka.
Email: admin@perzim.gov.my
Tel. : 06-2826526/2811289 Faks: 06-2826745



يَايَسَن رِسْتُو
YAYASAN RESTU

HIMPUNAN KISAH TELADAN
**PARA NABI & RASUL UNTUK
 PUTERA-PUTERI MUSLIM**

Sambungan dari minggu yang lepas

4. Nabi Hud a.s.

Allah S.W.T. tidak menakut-nakutkan manusia untuk takluk di bawah kekuasaan iblis sebagai anak buahnya, kerana Allah S.W.T. adalah yang Maha Kuat dan Maha Penguasa.

Allah S.W.T. mengutus kepada kaum 'Ad seorang dari mereka yang bernama Hud a.s. untuk menunjukkan kepada mereka kebenaran dan jalan yang lurus dan mengembalikan mereka dari kesesatan, iaitu kemusyrikan dan kezaliman. Nabi Hud a.s. berkata kepada mereka yang bermaksud: "Dan (Kami telah mengutus) kepada kaum 'Ad saudara mereka Hud. Dia berkata:

'Hai kaumku, sembahlah Allah S.W.T. sekali-kali tidak adalah bagimu selain-Nya. Maka mengapa kamu tidak bertakwa kepada-Nya?'"

(Al-A'raf: 65)

Allah S.W.T. berfirman yang bermaksud:

'Dan kepada kaum 'Ad (Kami utus) saudara mereka Hud. Dia berkata: 'Hai kaumku, sembahlah Allah S.W.T. sekali-kali tidak ada bagimu Ilah selain Dia. Kamu hanyalah mengada-adakan.'"

(Hud: 50)

Hud juga mengajak kepada mereka untuk ingat sebagaimana disebutkan dalam firman Allah S.W.T. yang bermaksud:

"Sesungguhnya aku adalah seorang Rasul kepercayaan (yang diutus) kepada kamu, maka bertakwalah kepada Allah S.W.T. dan taatlah kepadaku dan sekali-kali aku tidak minta upah kepada kamu di atas ajakan itu. Upahku tidak lain hanyalah dari Tuhan semesta alam. Apakah kamu mendirikan pada tiap-tiap tanah tinggi bangunan untuk bermain-main dan kamu membuat benteng-benteng dengan maksud supaya kamu kekal (di dunia)? Dan apabila kamu menyiksa, maka kamu menyiksa sebagai orang-orang kejam dan bengis. Maka bertakwalah kepada Allah S.W.T. dan taatlah kepadaku dan bertakwalah kepada Allah S.W.T. yang telah menganugerahkan kepada kamu apa yang kamu ketahui Dia telah menganugerahkan kepada kamu binatang-binatang ternak dan anak-anak, kebun-kebum dan mata air."

(Asy-Syu'ara: 125-134)

5. Keenggan dan Kesombongan Mereka

Bersambung di m/s 4 >>>

Belajar Bahasa Arab

Bersama : Ustaz Haji Fazly bin Haji Yaacob

Pelajaran Tiga Ratus Enam puluh Tujuh

أَنَا أَطْلُبُ مِنْ

SAYA MOHON DARI



أَنَا أَطْلُبُ مِنْكَ مَبْلَغًا مِنَ النَّقُودِ لِأَشْتَرِيَ
 الْكُتُبَ، يَا أَبِي.

Saya mohon dari kamu sejumlah wang untuk saya membeli buku, ayah.

خُذِي هَذَا النَّقُودَ. أَظُنُّ هُوَ يَكْفِي لَكَ.

Ambillah wang ini. Ayah rasa ianya mencukupi untuk kamu.



Perkataan : الْكَلِمَاتُ

untuk saya membeli : لِأَشْتَرِيَ (١)

mencukupi bagi kamu : يَكْفِي لَكَ (٢)

SIDANG REDAKSI

PENGERUSI

Y.A.B. Datuk Seri Hj. Mohd. Ali bin Mohd. Rustam
 (Ketua Menteri Melaka)

PENAUNG

Y.B Tuan Hj. Ghazale Bin Muhamad
 (Timbalan Pengerusi MAIM)

PENGARANG

Ustaz Mohd Amirudin bin Ahmad
 (Imam Satu)

PENASIHAT

Datuk Alias Bin Mad Saad
 (Pengaruh JAIM)

Tuan Hj. Yaacob bin Abd. Majid
 (Imam Rawatib Masjid Negeri Melaka)

Pn. Mahaniza Binti Mahat
 (Pembantu Tadbir)

KETUA PENGARANG

Al-Fadil Tn. Hj. Mohammad bin Hashim
 (Imam Besar Masjid Negeri Melaka)

Mohd Aidiel bin Jaafar (Noja)
 Hj. Borhan Benjamin bin Abdullah
 (Penyambut Tetamu)

EDITOR

Hj. Ab. Rashid bin Ab. Rahman
 (Bilal Satu)

JADUAL KELAS PENGAJIAN MASJID AL-AZIM MELAKA

HARI/MASA	SUBUH	ZOHOR	ASAR	MAGHRIB	ISYAK
ISNIN		2.30 Ptg. Kelas Asas Al-Quran Kanak-Kanak	5.00 Ptg. Al-Quran Wanita Tn. Hj. Ab. Rashid b. Ab. Rahman	7.30 Mlm. Tn. Hj. Zakaria b. Lemat (Mustika Hadis)	
SELASA		2.30 Ptg. Kelas Asas Al-Quran Kanak-Kanak	5.00 Ptg. Al-Quran Wanita Tn. Hj. Ab. Rashid b. Ab. Rahman	7.30 Mlm. Fekah Datuk Wira Hj. Rashid Redza b. Md. Salleh	Pengajian Asas Taranum Tn. Hj. Ramli b. Dollah
RABU		2.30 Ptg. Kelas Asas Al-Quran Kanak-Kanak		7.30 Mlm. Fekah/Sirah Tn. Hj. Ali Umar	
KHAMIS		2.30 Ptg. Kelas Asas Al-Quran Kanak-Kanak		7.30 Mlm. Majlis Bacaan Yasin & Tahlil	
JUMAAT		2.30 Ptg. Fardu Ain Ust. Halimah		7.30 Mlm. Tauhid/Al-Quran Tuan Hj. Mohammad b. Hashim	Kelas Berzanji Tn. Hj. Abdul Latip b. Joned
SABTU	6.00 Pg. Kuliah Subuh Tn. Hj. Abd. Rahim b. Khalik 8.00 Pg. Kelas Pengajian Tahfiz Kanak-kanak	2.30 Ptg. Kelas Pengajian Tahfiz Kanak-kanak		7.30 Mlm. Hadis Tn. Hj. Ibrahim b. Abdul Hamid	Kelas Bahasa Arab Ust. Fazly b. Hj. Yaacob
AHAD	6.00 Pg. Kuliah Subuh Datuk Hj. Mohamad b. Amat 8.00 Pg. Kelas Pengajian Tahfiz Kanak-kanak 10.00 Pg. Tafsir Datuk Hj. Idris Al-Hafiz	2.30 Ptg. Kelas Pengajian Tahfiz Kanak-kanak		7.30 Mlm. Tafsir Tn. Hj. Abd. Rahim b. Chalik	

< < sambungan dari m/s 3

Apakah jawapan kaum Nabi Hud a.s.? Mereka mengingkari beliau dan merasa hairan jika Rasul berasal dari jenis manusia. Mereka berkata:

"Dan berkatalah pemuka-pemuka yang kafir di antara kaumnya dan yang mendustakan akan menemui hari akhirat (kelak) dan yang telah Kami mewahkan mereka dalam kehidupan di dunia, (orang) ini tidak lain hanyalah manusia seperti kamu. Dia makan dari apa yang kamu makan dan meminum dari apa yang kamu minum dan sesungguhnya jika kamu sekalian mentaati manusia yang seperti kamu, nescaya bila demikian, kamu benar-benar (menjadi) orang-orang yang rugi."

(Al-Mukminun: 33-34)

Sebagaimana mereka mendustakan dakwah Nabi Hud dan merasa hairan akan kemanusiaan beliau, mereka juga merasa asing jika diajak untuk menyembah Tuhan yang Maha Esa dan diperintahkan untuk meninggalkan Tuhan mereka. Mereka berkata: *"Apakah kamu datang kepada kami untuk memalingkan kami dari (menyembah) Ilah-Ilah kami."*

(Al-Ahqaf: 22)

Menurut mereka, ajakan seperti itu merupakan tindakan bodoh, lemah akal dan tindakan gila. Sebagaimana digambarkan di dalam Al-Quran perkataan mereka yang bermaksud:

"Pemuka-pemuka yang kafir dari kaumnya berkata: 'Sesungguhnya kami benar-benar memandang kamu dalam keadaan kurang akal dan sesungguhnya kami

menganggap kamu termasuk orang-orang yang berdusta."

(Al-A'raf: 66)

6. Antara Air dan Angin

Nabi Hud a.s. memberikan ancaman kepada mereka akan datangnya seksa dari Allah S.W.T. baik di dunia mahupun di akhirat. Akan tetapi, mereka tidak mendengar dan tidak pula menghiraukan ancaman tersebut, kerana mereka telah diliputi oleh kebodohan dan kebongkakan. Sehingga, mereka tetap dalam keadaannya. Itu disebabkan iblis yang membisikkan kepada mereka bahawa Nabi Hud a.s. adalah pendusta.

Mereka tetap dalam keadaan mereka sebagaimana disebutkan di dalam Al-Quran yang bermaksud:

"Adapun kaum 'Ad, maka mereka menyombongkan diri di muka bumi tanpa alasan yang benar dan berkata: 'Siapakah yang lebih besar kekuatannya dari kami dan apakah mereka itu tidak memerhatikan bahawa Allah S.W.T. yang menciptakan mereka adalah lebih besar kekuatan-Nya dari mereka dan adalah mereka mengingkari tanda-tanda (kekuatan) Kami."

(Fussilat: 15)

Bersambung minggu hadapan >>>

Pungutan Tabung Derma Masjid Al-Azim

4.7.2008 - RM 3,634.00

PERINGATAN :

SILA LETAKKAN RISALAH INI DI TEMPAT YANG SESUAI

Diterbitkan oleh : **Masjid Al-Azim Negeri Melaka.**
Rekabentuk berkomputer dan dicetak oleh : **Percetakan Surya Sdn. Bhd.**